

青浦縣續志

卷十七 人物三

卷十八 人物四

卷十九 列女上

卷二十 列女下

青浦縣續志卷十七

人物三

孝友傳

徐行

蔣元煥

蔣寶禾

族弟寶椿

吳維琳

沈來

楊維仁

黃榜

高龍山

錢永修

徐繼緒

張天根

弟物根

黃逢丙

孔慶榮

席素敏

沈恩潤

陳慰慈

劉廣仁

朱衡

程梅溪

許秋江

倪國光

唐大經

朱寶善

沈卓雲

潘杏卿

王鍾秀

沈功起

補遺

青浦縣續志

卷十七

人物三

孝友傳

一

葉承柏

孫奕良

金鼎

兄震

徐士鏞

父堃

徐行字愚溪諸生文定公九世孫學行醇謹粵難時奉母顧避居徐滙母歿將輿櫬歸殯雇傭不得乃與兄湮肩舁而行過洋將華爾營見阻泣白其故軍士感其孝扶送之後以辦鄉團有功保獎六品銜候選訓導著述見藝文

蔣元煥字朗山諸生孝謹天至咸豐庚申之亂賊掠之去輾轉至常熟日夜思親飲泣不已賊嚴繫之歷半載不得脫初元煥父汝枚前志有傳殉難母氏黃亦殉夫元煥陷賊中未之知也一夕夢父促之行心大動乃乘黑夜縋城逸顛蹙中若有紅燈導之前者行之滬途遇父執金玉告以被掠時二親先後盡命之實始悟所夢者父之靈爽也一慟幾絕遂踉蹌歸營窀穸玉作悲哉行贈之元煥嘗從何其超學以醫名

蔣寶禾字受之增生汪洋村人篤內行嘗爲親滌褻器有漢萬石家風咸豐時蘇常失守流民載道寶禾憫之鬻家藏古銅爵一得數百金助振寶椿字純甫諸生髫齡夜讀必攜書就父寢所伺酣睡乃退數十年未嘗遠離父歿始出應童子試年已四十餘矣與諸弟友愛髮皤皤猶歡暱如童稚有兄弟閱牆婦姑勃谿者見寶椿至輒斂容而息

吳維琳字一山天性肫摯齟齬時赴戚家宴卽知舍肉以遺母父基客崇明病歸維琳以家貧無以奉甘旨常中夜泣父歿事母周益謹母體羸善病維琳恆臥榻下聞呻吟卽起疾篤乃刲臂肉以進得瘥邑人士狀諸縣給孝行可風額鼓吹送之時維琳母猶在堂也而吳孝子之名遂徧傳邑中矣
沈來字韻樓性寬綽事親色養無虧善瘍科所得悉以供滫

青浦縣續志

卷十七 人物三

孝友傳

二

瀧父蕃病痢母氏方復病肝諸藥勿效來先後刲臂進之並愈咸豐庚申之亂奉母避難會大雪賊掩至母倉皇驚走與家人相失來昌雪呼號足裂血濡履弗顧俄於蔽薄中得母負而出之來儀狀清羸嘗以侍母病廢寢食得咯血證秘不使親知母歿毀甚疾愈劇尋卒妻張氏亦以孝聞學使者王先謙獎媿美姜龐額光緒間得朝旨旌表子聯第爲建雙孝祠

楊維仁字藹如武生膂力絕人能開七石弓舞三百斤刀粵寇至父理卿方臥病維仁負之行五六里外率鄉團反身追賊手刃五十餘人以功補用千總加四品銜擢都司好善舉嘗捐貲重建涇橋行人稱便

黃榜字杏村邑諸生父德涵

前志列忠義表按德涵字克殉修表又列克修名誤作兩人

洪楊難時榜在側以身翼蔽賊刃交下氈帽寸裂榜不少避賊異之舍而去高龍山字啟廷農家子粵難時賊騎突至龍山棄襁褓子大雪中負母疾走中途傷賊刃猶裹創強行母子俱獲免人謂榜父之死與龍山母之生全一幸一不幸也而二人者均臨難而得無恙未始非孝感所致云

錢永修字培基黃渡西窰村人販棉爲業有至行咸豐庚申之難永修被掠母吳思子悲泣雙目盡瞽閱三載永修自皖脫歸朝夕舐母目三月復明人以爲異

徐繼緒字則三職監生王母蕩人早失怙事母色養兼至母病累月不解衣帶時人以其孝根天性額其廬曰慈雲

張天根字可生父病割股療之弟物根字百生母病亦割股人稱雙孝並諸生七滙人

青浦縣續志

卷十七

人物三

孝友傳

三

黃逢丙字書雲附貢生和光同塵不與俗迕父母病先後割臂者三均獲痊年七十餘遭繼母喪猶啜泣爲孺子慕人以爲難卒年八十有二孔慶榮字荷卿孔子七十三世孫孔宅奉祀生父憲晉病慶榮割左股愈之父歿撫弟慶華成立友于甚篤

度素敏字厚坤珠里人業賈敦孝友父元孚病療素敏貧不能備醫藥截左指和糜以進神色自如父歿哀號幾至滅性子裕祺自有傳沈恩潤字曉山國學生居縣治父元祺病恩潤籲天斷指煎湯療之母張體羸弱恩潤經商於外月必歸省寒暑無間學使瞿鴻禛以庸行克敦額旌其門

陳慰慈字希濤增生早失怙事母朱至孝年十七卽爲童子師藉脩脯供菽水朱爲奉賢進士恆女恆官安徽廬州府訓

導時合肥李文忠公嘗受業門下文忠貴知慰慈文行粹美而甚貧困招之往以母老辭

劉廣仁字壽伯天聖莊人嘗割臂療母疾父如金年七十時值梟盜橫行虜人爲質一日劫如金去廣仁號泣奔救盜發槍貫其頰創甚猶大呼速追父回毋以我爲念言訖而殞如金卒贖歸

朱衡字春伯金澤人生而孤露有至性勝衣就傅讀孝經輒泫然流涕嘗割股療母病衡嗜酒母每戒之客或造飲衡聞母嗽聲卽罷性好古尤樂爲善鎮中橋梁傾圯衡每集資修葺之

程梅溪邑城人早喪母父病喘不能力作梅溪時年十四五日託小盤賣錫養之甘旨無缺後積貲設果肆于僧橋畔奉

青浦縣續志

卷十七

人物三

孝友傳

四

父終身許秋江高家橋人削縫爲業每出傭攜小筐當食輒舍肉置其中歸以遺母母歿悲號累月感動鄉里

倪國光字觀伯歲貢生事親謹父以琮年邁國光亦五十餘矣猶依依作孺子慕友其弟旭光龍光尤愛摯喁前于後怡怡如也唐大經字松閣廩貢生謙謹能文與弟濟經秉經推財讓產有田氏遺風尤工小楷書神似王大令洛神賦皆西
湛入

朱寶善東岑人少讀書知大義兄寶三爲人枉殺時寶善年十八仇家易其弱小苦抑之寃不得白寶善間赴京訴諸部得昭雪坐是貲產蕩然乃力行節儉復其業析產己子與兄子均人服其義

沈卓雲字元祥長村農家子以儉約積有中人產與弟卓成

相友愛同炊四十年無間言遠近稱之卒年八十有一
潘杏卿餅師也居縣治略知書嘗掇拾平生所歷成荒難紀
略一編雖文不雅馴而事皆翔實中誌避亂時以十指贍妻
子撫弱弟成立爲娶婦艱苦備嘗垂老友愛篤至尤爲時人
所難

王鍾秀字慎齋諸生爲人篤實勤儉外祖某年久渴葬鍾秀
爲購地營窆立石記之年三十妻徐歿躬撫子女成立終身
不復娶光緒十八年學使溥良給義行流芳額并以其事上
聞旌表義夫

沈功起字詩齋南村人性矜嚴寡言笑習詩書克嫻大義年
二十九鰥以宗祧有後不再娶光緒癸卯大吏以其事聞奉
旨旌表義夫如例

青浦縣續志

卷十七

人物三

孝友傳

五

補遺

葉承柏字心如監生工詩事親色養母病目幾瞽承柏晨
夕舐之目復明後母壽至九十餘五世同堂人皆以爲孝
感奕良承柏孫字曉山亦監生年十三喪母哀毀盡禮道
光中隨父宜菖渡泖遇風父失足墮水奕良急躍入援之
出己酉大水襄理振務不辭勞瘁鄉里頌之

金鼎字元暉玉相

前志
有傳

父蟠龍鎮人性端嚴力行善舉嗣

母程青年守志事之甚謹程病百計調護幾耗家貲之半
歿後以哀毀逾月卒兄震字洪聲好施樂善敦行孝友撫
鼎遺孤成立晚年好學端坐一室寒暑不間無疾而終
徐士鏞字式之諸生父塋嘗割股療母疾士鏞性至孝同
治二年母病亦割股療之母生而士鏞卽於是年卒

忠義傳

董人俊

補遺

王懋勳

吳桂

錢誠業

子國俊

朱逢瑞

弟逢泰

高士傑

董人俊字仰書太學生官浙江新昌縣典史宣統辛亥武昌
兵事起風聲所至官吏相率走避人俊職守圜圍臨難不去
卒以身殉

補遺

王懋勳字勉齋居黃渡少孤事母孝苦志讀書屢躓場屋
遂納粟入監洪楊亂起金陵失守向軍扼守鎮江連營某
布懋勳慨然曰此報國時也乃投袂往佐理戎幕夙夜盡

青浦縣續志

卷十七

人物三

忠義傳

六

瘁亡何江南大營潰時懋勳方臥病二卒掖之上馬懋勳
叱曰離此一步非吾畢命之地卒不屈死年三十五

吳桂字玉臺

前志忠義表
列其字玉臺

少習舉業訓徒為生成豐庚申

之亂桂避地泖上未幾賊竄至桂不屈遂遇害時六月二
十六日也

錢誠業字硯香

前志忠義表
列其字硯香

進士誠基

前志
附傳

弟業儒咸豐

十年挈其子國俊避難七滙賊至不屈父子同時遇害

朱逢瑞邑城人咸豐十年與弟逢泰同在西郭外張家灣
遇賊不屈殉難蘇省採訪局以其事聞大吏奏請旌表奉
旨照例建坊入祀忠義祠

高士傑字慕周高家橋人宅心忠厚好扶危拯急粵寇陷
蘇州有蘇人顧小弟者避難踉蹌來鄉人疑為賊諜欲殺

之士傑呼曰此余同里趙某之戚也以死爭之得免同治元年賊至剽掠士傑大罵不屈飲彈而死光緒三十一年郡守田以忠義

可風額旌之

洪楊之亂殉難諸人採訪所得綜其行事本末揔具已爲之補傳矣尚有若干人以年遠莫考或僅得其姓氏大略今次於列傳之後蓋亦闡發幽光之微意也

沈二倌陸木倌張顯庭趙秀章趙茂林趙聖嘉趙湘帆俱咸

豐十年六月殉難 張東邱炳和俱咸豐十年七月殉難 莊大莊進石耀邱杏

亭張金龍俱咸豐十一年二月殉難 袁明照沈阿富俱咸豐十一年五月殉難 趙銀

寶咸豐十一年七月殉難 許萬年朱阿木俱咸豐十一年九月殉難 胡晉高夏四

倌錢小弟錢奎王妙坤嚴木金俱同治元年五月殉難 闕煥同治元年七月

殉難 王紹榮李景行李長明李四倌張毛龍孫阿玉孫百敬

青浦縣續志

卷十七 人物三

忠義傳

趙馬弟陳星寶殉難年月俱無考

懿行傳 上

陸我生 諸槐吳兆堃顧鴻達

唐堯卿 子繡經胡泉

凌企翔

張一桂 顧鴻達

唐昱德 子夢星

王起鵬

陸師章 衛朝棟

朱泉達 子則棗費銓

汪洋鳳

徐焜 陳樹本

汪家俊 父厚成弟鼎

胡則忠

陳超然 沈人恩

邵光鑑 子聯珠徐翔雲

章承裕 楊文鼈

高維嶽 張椿根

袁昌國 孫應康

許章埒 從弟章典

馬日瑚 陸慎明

陸有宣

懿行傳 下

盛邦霖 孫濂

徐光熊 周泰照

陳鏞 子光禧

王用中 郭灝李天爵

唐元愷 胡見超陳文藻

顧我泰 沈麟陳袞

吳昌麟

張文奎

方德泉

王道隆

楊崇道子

文光

俞拜言

父一桂

陳蘭蕊

葉宜棠

許章成 盛如瀚 張若機子 元熙

程雲錦 張允臧

席裕祺

陳鼎彝

徐景雲

孫時杰

李宗賓

龔希遂 戴文鉦

補遺

鄒培

侯其偉

程錫組弟

徐嗣宗

胡夢熊

吳岱

懿行傳

上

陸我生字雨亭諸生性循謹勤於學嘗得羸疾藉臨池養生久之病已年逾八十猶矍鑠談少年事娓娓不倦尤好以前言往行勗人諸槐字燮甫舜發前志裔也恩貢生寡嗜欲慎言笑訓生徒循循然晚年尚能應書院作小楷吳兆堃字南

青浦縣續志

卷十七

人物三

懿行傳上

八

臺歲貢生貧能樂道工為文試鄉闈屢薦不售三人皆重游泮水為士林模楷

唐堯卿字芝田附貢生居西岑生數月而孤母王撫之成立篤於師友師潘沒猶以米贍其家至老無間同治初襄辦清丈翟令寅清倚重之他如金澤同善接嬰二堂孔宅庭聞書院皆竭力劬靡不就理堯卿好為詩與陸日愛互昭輩時共唱和中年遭亂改習醫子繡經字蔚人增生工制藝篤內行居父憂咯血而卒凌企翔字穎甫諸生居章堰胡泉字達夫太學生居郊店辦清丈善後諸事咸孚眾望企翔工書渾厚有姿講鄉學反覆詳盡泉性剛直嫉惡終其世市中不敢設煙寮

張一桂字馥山諸生厚重少文不輕然諾好施濟里鄰有以

貧乏告者無不應平居吟詠自怡晚號東籬逸叟卒年八十有二顧鴻達字筠潭增生謹容止里中衣冠不正者望而卻步善訓徒多有聲譽序皆觀音堂人

唐昱德字復虞同治庚午舉人自西岑遷居章練塘講學授徒裁成甚眾周綸而後里中推名師焉嘗與里人勸建接嬰堂勸募田產頗力李夢星字應庚居白鶴江嘗從俞廷颺游一應童子試洪楊亂後不事進取酷嗜先儒語錄授徒里中一以禮法爲先游其門者皆恂恂有規矩

王起鵬字松衫歲貢生篤學強記尤嗜先儒語錄諸書日誦太上感應篇或陰騭文覺世經一過立功過格自規至老勿倦師事雲間顧夔善爲文兼工詩詞歷游關閩鄂贛諸省文幕衡鑑悉允晚應嘉義縣張德迪聘航海至臺灣起鵬奔走

青浦縣續志

卷十七

人物三

懿行傳上

九

衣食足跡半南北所交多當世名公鉅卿顧皆落落獨與虞山邵亨豫吳中吳大澂結深契亨豫嘗稱其爲人樸茂古峭大澂則書其所製過如秋草留根易心惕春冰著步難聯語張之謂觀是可概起鵬文行云

陸師章字琢如其煥

見前志雜記補遺

子生六月而孤懇款具幹略

咸同之際辦團練善後諸事頗負時望督修崧澤大盈兩塘功尤著嘗從金玉李雋受業雋卒遺子攀桂而詩書外無長物玉日豈可使雲橋之後竟不能世其清芬乎師章曰是我責也卽攜至家教養之卒成名而去雲橋雋字也衛朝棟字雲墀爲人樸愿年十三刲股愈母疾業師俞廷颺没家貧子豐玉幼朝棟爲購地佘山葬之且進其子躬自督課焉豐玉天憫師無後乃與同學項鴻聲陳光昌郭灝黃逢丙輩歲時

祭掃歷久弗懈師章居七滙朝棟居邑城皆附貢生精醫朝棟尤善鍼灸著述見藝文

朱泉達字清渠恩貢生敦行勵學與許錫祺友善居母喪毀瘠逾恆母葬廬墓弗去尋卒子則棻字蘊芳諸生解里中紛錯持平無袒汪祥鳳字砥平附貢生經商重信義遐邇來集闐闐以興費銓字硯香諸生慷慨好施與嘗捐田充圖中公用皆重固人

徐焜字月如樸而不華陳樹本字蒙山誠以接物二人皆端品勵行授徒以終而樹本館海上甚久並諸生

汪家俊字樸庵諸生居白鶴江父厚成字魯山養親讀書躬莊自守熊其光以隱君子稱之家俊蚤歲喪偶不繼娶授徒逾四十年推里中耆宿弟家鼎字星槎聞譽與兄埒篤墳簾

青浦縣續志

卷十七

人物三

懿行傳上

十

之誼怡怡如也亦諸生著述並見藝文

胡則忠字心敷諸生鳴玉

前志有傳

五世孫夙承家學尚名節敦

氣誼嗜酒工詩通岐黃家言洪楊之亂隱居澱西時有農家子生而父母俱亡者眾議棄之則忠蹙然釀金收卹卒撫之成立嘗與熊其英同修縣志其英之施振河南也以其子芑詒屬之比其英歿於衛輝振所則忠作長歌哭之督課其子益力後其英兄子祖詒宰旌德延主文席乃攜以偕往寢食與俱逾年省墓歸疾作將復往戚友尼之則忠曰吾荷託孤之重不往則芑詒由我廢學矣異日何以見故人地下乃相與祖道垂涕訣別去未二月果卒旌德其篤於死友如此陳超然字義卿附貢生居田山莊剛正不阿能赴急難居恆以袁了凡家範爲法光緒癸巳年八十一欽賜副貢學使李

殿林給鄉黨儀型額先是有沈人恩字炳恩張涇村人國學生行止修整學使龍湛霖給年高德邵額卒年八十有五邵光鑑字少溪增貢生章堰人沈默寡言淡於榮利課徒以孝弟爲先及門皆華實並茂晚年與同里徐耀書方元鑣汪家俊沈家璜繪爲淞南五老圖皆耆宿也子聯珠字秋墅府學生性慧行篤工文知醫蚤卒徐翔雲字縵卿光鑑弟子誠篤負鄉望亦以善課徒稱

章承裕字仰楓增生爲人篤實沈毅光緒三年入閩襄辦振務活人甚多承裕久爲金湄義塾師遇朔望講鄉約援類引譬聽者忘倦楊文鼈字占甫附貢生律己謹嚴待人和惠亦負鄉望並章堰人

高維嶽字崧生居高家橋爲人長者任七寶三善堂義塾師

青浦縣續志

卷十七

人物三

懿行傳上

十一

四十餘年妻令張以人倫模楷額獎之張椿根字慕萱居七滙任本鎮義塾師十六年亦以謹厚稱皆諸生

袁昌國字藻香孫應康字熙亭皆諸生昌國持躬整飭冬不重裘夏不袒裼善規人過必使悔悟乃止教生徒治家皆有則應康性孝謹家庭之中不聞詬誶遇人常以節儉相勗諄諄如也

許章埒字屏侯縣學生性耿介學行淵懿爲莊世驥高弟課徒嚴門下士無敢偪規越矩從弟章典字則卿國學生幼孤事母孝氣度恢宏善解紛濟急並白鶴江人

馬曰瑚字孚愚居洛書浜性和易至誠待人不立厓岸通岐黃家言陸慎明字駿業居白鶴江服賈行善篤於友于洪楊亂時杜村石橋毀二人各捐橐爲倡集貲重建之其歿也曰

瑚年八十慎明年七十有六
陸有宣字元旬附貢生性謙和內行純備有宣門第清華而
閑靜恬退略無夸毗之習嘗刳臂以療父疾父歿抑鬱不自
聊尋就江陰令劉有光聘游幕八年間借山水以自陶寫嘗
繼其父宗鄭董理郡中育嬰等諸善舉矜名務實不涉以私
入謂父子濟美云

懿行傳

下

盛邦霖原名樞字星垣道光己亥舉人截取四川蘆山縣知
縣赴部領憑卒於京邸性恬淡蹈行不苟同治間董豐備倉
事倉中歲需向率取資穀款邦霖慮出入易以滋弊因倡議
購田若干以租息爲經常費於是穀本不耗界限以清繼其
後者有孫濂性和藹粥粥若無能然歷任最久濂字季蓮副

青浦縣續志

卷十七

人物三

懿行傳下

十一

貢生

徐光熊字小颿逢豫

前志附傳

子居蔣浦道光己酉水災發粟三

百石贍其鄉時名器濫凡捐金助振者多得獎敘光熊恥之
獨持布衣終喜爲詩頗示已志所著見藝文周泰照字耕畬
諸生與光熊居同里博學能文戴高許錫祺皆出門下己酉
水災泰照家無中人產而襄助振務出力獨多以是粟得普
及災民呼老先生待給無譁者

陳鑣字藹臣附貢生父埤遺腹生埤母蔡撫之成立鑣性肫
孝居大母及父母喪毀頓盡禮道光己酉歲大稔襄辦振務
出粟輸財活人甚眾同治初以齒德爲陸宗鄭等所推延襄
善後歷辦丈田清賦復書院撫災黎築圩勸墾練勇防堵籌
捐協餉諸務不辭艱鉅敘勞得藍翎五品銜六年重建文廟

復與宗鄭董其役卒年七十有四子光昌別見附傳光禧附
貢生議敘國子監典簿伉爽重然諾董理地方公益事宜克
承父志

王用中字伯卿炳照前志有傳子性伉直同治初邑中舉辦清丈

用中助之多所董正嘗捐田充會試計偕費見前志校好義勇

爲一如其父郭灝字翼詒宗泰見前志雜記遺事子任勞克已光緒

間助知縣錢志澄募建大生橋頗力嘗督修武聖宮昭宗祠

並捐田充歲修費李天爵字佩卿慷慨好施與光緒甲辰邑

中勑辦官立高等小學堂天爵捐助婁邑田二十畝用中天

爵居南門灝居西門皆附貢生

唐元愷字墨莊歲貢生廿八圖人精於治易爲陳淵泰高弟

性行端慤負鄉望咸豐十年知縣廖秩璋庶吉士胡履吉督

青浦縣續志

卷十七 人物三

謄行傳下

十三

辦鄉團募捐義餉元愷率先爲地方勸於獎敘則謙謝焉胡
見超字誠齋諸生簞山人敦樸好善年八十餘猶矍鑠應鄉
試陳文藻字秋霞太學生居方家窰辦團練亦有功兵燹後
東門沿塘橋梁半圯文藻與元愷見超鳩資督修之

顧我泰字魯山監生蚤孤撫諸弟友愛洪楊之亂我泰董觀
音堂團練局聯絡東北各鄉防禦最力得犒賞悉以頒團民
名聞大吏事平又督濬吳淞江並襄辦善後諸事咸稱厥職
先是咸豐六年飛蝗蔽野我泰與沈麟率鄉民日夜捕瘞蟲
不爲災旣又與陳充請革坐圖差追之弊嘗戒子孫循分讀
書勿與訟事卒年七十五麟字桐蕤諸生充字夢花增生皆

觀音堂人

吳昌麟字滄舟廩貢生淮前志有傳子少孤年十六入邑庠庚申

之難避地通州呂四場其民煮海爲生能文者少或見昌麟課徒文爭執贄門下亂平歸脩脯自給講授垂三十年成材甚眾昌麟坦白識大體剛而能斷同光時襄辦清丈校刊志稿董理城垣及邑廟諸大工役靡不擘劃周詳而邑中有所興革咸就取決歷任邑侯頗倚重之蔡增光之需次浙江也時議主設總董局綜攝諸務增光請於令將舉所經理者悉以畀昌麟昌麟謝曰總則不免壟斷分則各負責成昌麟願專掌賓興他勿問也令爲歎服時縣志劄劂已竣而賓興禮遇不足昌麟倡議請卽修志費提充之

原案修志經費於條銀平餘項下每兩提

錢十文歲約七百千文

且以分撥書院由是膏火之給亦厚士林多沾

其惠焉卒年七十有一

張文奎字子琴太學生好賓客愛時花木有雅尚洪楊之亂

青浦縣續志

卷十七

人物三

懿行傳下

十四

邑中圖籍無存同治初辦理清丈文奎筦局事繪製魚鱗歸戶諸冊秩然井然則壤舉還其舊邑人賴焉又嘗董理同仁接嬰兩善堂手定接嬰保嬰章程各八條推行四境光緒十七年邑令錢志澄上之蘇藩司鄧華熙稱其簡而易行因通飭各屬仿照辦理松郡育嬰堂向於本邑收取舖戶月捐文奎以兵燹之後民物彫敝推已產飲助之其生平善事輒令人永念遐思繼之者方德泉任事最久綜核廉謹同仁原有田二百四五十畝至是增至五百餘畝德泉字潤之附貢生誠悃篤實接人以和善隸書通青烏術孫仁裕別見附傳王道隆字惕生居蔡家橋咸豐己未舉人庚申之亂創辦鄉團頗資捍衛事平設振饑局庶事躬親後官河南林縣襄城洛陽等縣知縣充光緒乙酉科同考官解組歸不與外事常

以儉勤教鄉里楊崇道字玉壺附貢生居七寶王文光字禮華居七間村亦先後董辦團練有功桑梓崇道子光霖字雨蒼廩貢生光緒中西人越界築路謀自虹橋達佘山密使人收買七寶民田光霖知利害所在潛梗之西人銜之切詣光霖威脅不爲動終清世路竟不成

俞拜言字綺雲同治庚午舉人父一桂字靜巖道光時兩次水災均以振助有功鄉里拜言好任卹有父風同治間邑中大修圩岸拜言倡計工貼食法語詳前志雜記補遺並仿孫峻築圩圖說鳴鑄植竿督民增築高厚如法圩成潦不爲患一鄉利賴焉

陳蘭蕊字績生居金澤爲人藹然仁者光緒四年與吳江凌淦同邑熊其英等募資協振豫饑六年饑尤甚復助之豫撫

青浦縣續志

卷十七

人物三

懿行傳下

十五

給惠濟遐方額蘭蕊歷辦地方公益如濬河接嬰倡設金溪書院等皆成績斐然其先後以董理本鄉公務稱者小蒸有葉宜棠字嘯谷龍潭有潘潮清字鏡波白鶴江有許章成字竹卿黃渡有盛如瀚字星衢蟠龍有程雲錦字星槎七寶有張若機字鵠侯子元熙字稚侯張允臧字魯卿並以辦清賦修河渠築圩岸著勞勩而允臧損貲疏濬蒲滙塘棄田捐助三善堂尤爲里人稱善潮清章成雲錦若機元熙皆諸生席裕祺字子眉珠里人幼習賈後游上海入申報館館主英人美查極器之任以經理凡分設之點石齋圖書集成局命皆攝其事裕祺性厚重有賢操時各省籌辦水旱振捐皆以申報館爲集款之所數率鉅萬裕祺司出內無所苟或遇急振而捐猶未集輒先墊應不少踟躕以是辦理慈善如施善

昌嚴信厚經元善輩咸推重之在館二十餘年以疾卒陳鼎
彝字玉麟僑居滬西漕河涇之西牌樓貧而好善積館穀餘
資製惜字袋惜字籠分給鄉里後又襄施善昌募建仁濟善
堂於租界

徐景雲字子山業菸上海菸業分東西兩幫景雲爲東幫領
袖居停以其熟各地方言命往陝甘通交易留蘭州三年忠
勤厥職邑廟故無放生池景雲倡捐鉅款鑿成之

孫時杰字安卿黃渡布商也爲人重信義勇於任事初道咸
間里中所產棉布衣被七閩皆由閩商來滬收買價之高下
聽客所爲時杰患之倡議自收自運顧陸運必經淞有仙霞
嶺之阻勞費且倍計莫便於航海同業均有難色時杰毅然
乘沙船往風濤備歷經兩月返里贏金累萬閩路遂通

青浦縣續志

卷十七

人物三

懿行傳下

十六

李宗賓字瞻甫性儉約好施與夙精刀圭術遇貧病不取酬
且資以藥延之往輒徒步雖祁寒盛暑亦必應龔希遂字月
泉設肆賣藥常力戒子弟無進僞藥誤人戴文鉦字協卿幼
貧習賈積資多爲義舉並白鶴江人

補遺

鄒培字閻圃元和人自幼來青習錢業因家焉道光三年
購地建與善堂施寒衣暑藥及掩埋一如同仁堂例並捐
義冢地三十餘畝以捐助海塘及湘振獎四品封典國子
監典籍銜

侯其偉字康臣性孝友道光三年大饑其偉董蟠龍振事
實惠均沾同里程錫組錫綬皆發粟助之邑令李宗穎並
獎以額錫組著述見前志雜記補遺

徐嗣宗字少昀恕曾孫工詩善書道光二十九年大水出
錢粟振饑活人甚眾嗣宗事嗣母以孝聞咸豐時奉親避
負芻之難以勞頓得疾經歲舊疾復發遂卒

胡夢熊字消濱監生慷慨好施嘗出粟以振饑者其他善
舉如恤嫠育嬰施棺施衣施醫藥靡不樂爲咸豐初陸日
愛倡辦團練尤賴其力

吳岱字幼輿歲貢生居珠里性嚴介不苟言笑親友子弟
有人茶寮酒肆者訶責不少假借遭洪楊之難避地章練
塘鬱鬱以歿

